

BOSNA I HERCEGOVINA
FEDERACIJA BOSNE I HERCEGOVINE
BOSANSKO-PODRINJSKI KANTON
GRAD GORAŽDE
GRADSKO VIJEĆE



BOSNIA AND HERZEGOVINA
FEDERATION OF BOSNIA AND HERZEGOVINA
BOSNIAN-PODRINJE CANTON
CITY OF GORAŽDE
CITY COUNCIL

Broj: 01-02-1- 221-8
Goražde, 15.3.2021.godine

Na osnovu člana 8. Zakona o ministarskim, vladinim i drugim imenovanjima F BiH (“Sl.novine F BiH”, broj:12/03, 34/03 i 65/13), člana 2 Odluke o utvrđivanju standarda i kriterija za imenovanje na pozicije reguliranih tijela Općine Goražde („Službene novine Općine Goražde“, br. 1/14) i člana 2. Rješenja o imenovanju Komisije za izbor predsjednika i članova reguliranih tijela Grada Goražda (u daljem tekstu: komisija) broj: 01-02-1-221 od 20.1.2021.godine, Komisija, u ime Gradskog vijeća Grada Goražda, raspisuje

JAVNI OGLAS
za izbor i imenovanje članova skupštine u JKP „6. Mart“ doo Goražde i
JP „Veterinarska stanica“ doo Goražde i predsjednika Upravnog odbora u
JU Dom zdravlja „Dr.Isak Samokovlija“ Goražde

Raspisuje se Javni oglas za izbor i imenovanje članova skupštine i predsjednika UO u Javnim preduzećima i Javnim ustanovama čiji je osnivač Grad Goražde kako slijedi:

1.Predsjednik Upravnog odbora JU Dom zdravlja „Dr.Isak Samokovlija“ Goražde iz reda osnivača

Opis pozicije: Upravni odbor donosi Statut Doma zdravlja, imenuje i razrješava direktora, odnosno v.d. direktora. Utvrđuje planove rada i razvoja, utvrđuje godišnji program rada. Donosi finansijski plan i usvaja godišnji obračun. Donosi Pravilnik o unutrašnjoj organizaciji i sistematizaciji radnih mesta i druga opšta akta ustanove. Odlučuje o svim pitanjima obavljanja djelatnosti, radi kojih je Dom zdravlja osnovan, ako zakonom nije određeno da o određenim pitanjima odlučuju drugi organi Doma zdravlja. Usmjerava, kontroliše i ocjenjuje rad direktora. Rješava sva pitanja iz odnosa sa osnivačem, odgovara osnivaču za rezultate rada Doma zdravlja. Odlučuje o prigovoru zaposlenika na rješenje kojim je drugi organ određen ovim statutom, odlučio o pravu, obavezi i odgovornostima zaposlenika iz radnog odnosa. Podnosi osnivaču najmanje jedanput godišnje izvještaj o poslovanju Doma zdravlja. Obavlja i druge poslove u skladu sa zakonom, statutom i drugim opštim aktima Doma zdravlja.

2. Skupština JKP „6. MART“ d.o.o. Goražde 5 članova

Opis pozicije:

Skupština preduzeća donosi Statut, izmjene i dopune Statuta; Etički kodeks preduzeća. Odlučuje o povećanju i smanjenju osnovnog kapitala, uz prethodnu saglasnost osnivača. Usvaja godišnji izvještaj preduzeća, koji uključuje finansijski izvještaj i izvještaje revizora, Nadzornog odbora i Odbora za reviziju. Odlučuje o rasporedu dobiti, o načinu pokrića gubitaka, o spajanju s drugim društvima i pripajanju drugih društava Preduzeću, uz saglasnost osnivača. Odlučuje o promjeni

oblika i podjeli Preduzeća, uz saglasnost osnivača. Odlučuje o prestanku preduzeća sa provođenjem likvidacije i odobravanju početnog likvidacionog bilansa i završnog računa po okončanju postupka likvidacije, uz saglasnost osnivača. Odobrava kupovinu, prodaju, zamjenu, uzimanje i davanje u lizing, uzimanje ili davanje kredita i druge transakcije imovinom, direktno ili posredstvom supsidijarnih društava u toku poslovne godine u obimu većem od 33% knjigovodstvene vrijednosti imovine preduzeća, po bilansu stanja na kraju prethodne godine na prijedlog Uprave i Nadzornog odbora. Odlučuje o izboru i razrješenju članova Nadzornog odbora pojedinačno. Donosi odluku o izboru i imenuje članove Odbora za reviziju, na prijedlog Nadzornog odbora. Odlučuje o osnivanju, reorganizaciji i likvidaciji povezanih društava i odobravanju njihovih statuta, uz saglasnost osnivača. Odlučuje o naknadama članovima Nadzornog odbora i Odbora za reviziju; odlučuje o poslovniku o radu Skupštine, Nadzornog odbora i Odbora za reviziju, na prijedlog Nadzornog odbora. Donosi odluku o trogodišnjem, godišnjem i revidiranom planu poslovanja. Odlučuje o ostvarivanju zahtjeva preduzeća prema članovima Uprave i Nadzornog odbora u vezi sa naknadom štete nastale pri osnivanju, kupovini ili vođenju poslovanja Preduzeća, izuzimanju stalnih sredstava u privrednim društвима. Podnosi izvještaj o radu i poslovanju preduzeća Gradskom vijećу najmanje jednom godišnje. Odlučuje o zastupanju preduzeća u sudskim postupcima koji se vode protiv članova Uprave društva ili eventualnim postupcima protiv članova drugih organa preduzeća. Odlučuje o drugim pitanjima utvrđenim zakonom i Statutom.

3. Skupština JP „Veterinarska stanica“ d.o.o. Goražde 3 člana

Opis pozicije:

Skupština preduzeća odlučuje o poslovnoj politici i strategiji razvoja društva, usjajanju godišnjeg izvještaja društva, koji uključuje finansijski izvještaj i izvještaj o radu nadzornog odbora; rasporedu dobiti; načinu pokrića gubitka, povećanju i smanjenju osnovnog kapitala, promjeni firme, sjedišta i djelatnosti društva; pristupanju novih članova i isključenju člana, kao i naknadi udjela; usvajanju Statuta Društva; spajanju sa drugim društвима i pripajanju drugih društava Društvu ili Društva drugom društву; promjeni oblika i podjeli Društva; prestanku Društva sa provođenjem likvidacije i odobravanju početnog likvidacionog bilansa i završnog računa po okončanju postupka likvidacije; kupovini, prodaji, zamjeni, uzimanju ili davanju u lizing, uzimanju ili davanju kredita i drugim transakcijama direktno ili posredstvom supsidijarnih društava, u toku poslovne godine u obimu većem od 33% knjigovodstvene vrijednosti imovine Društva po bilansu stanja na kraju prethodne godine, na prijedlog uprave i nadzornog odbora; izboru i razrješenju članova nadzornog odbora pojedinačno; o naknadama članovima nadzornog odbora i odbora za reviziju; osnivanju, reorganizaciji i likvidaciji supsidijarnih društava i odobravanju njihovih statuta; izmjenama i dopunama odredaba Statuta, koje se ne odnose na pitanja u vezi povećanja i smanjenja osnovnog kapitala i spajanju sa drugim društвима i pripajanju drugih društava Društvu ili Društva drugom društву i promjeni oblika i podjeli društva ili druga pitanja o kojima u skladu sa zakonom ili Statutom društva skupština društva donosi posebne odluke čiji pravni učinak uključuje izmjene odgovarajućih odredaba statuta društva; poslovniku ili poslovcima na prijedlog nadzornog odbora; etičkom kodeksu na prijedlog nadzornog odbora; planu poslovanja, odnosno revidiranom planu poslovanja u skladu sa članom 23.Zakona o javnim preduzećima FbiH; drugim pitanjima bitnim za poslovanje društva, u skladu sa zakonom i statutom; podnosi Gradskom vijećу Grada Goražda izvještaje o radu i poslovanju društva, najmanje jednom godišnje, a obavezno po izradi godišnjeg obračuna za prethodnu poslovnu godinu.

Kandidati za imenovanje na upražnjenje pozicije iz javnog oglasa moraju ispunjavati slijedeće uslove:

OPĆI USLOVI:

1. Da su državljeni Bosne i Hercegovine,
2. Da su stariji od 18 godina,
3. Da nisu otpušteni iz državne službe kao rezultat disciplinske mjere na bilo kom nivou vlasti u Bosni i Hercegovini u periodu od tri godine prije dana objavljivanja upražnjene pozicije,
4. Da nisu pod optužnicom Međunarodnog suda za bivšu Jugoslaviju (član IX 1. Ustava Bosne i Hercegovine),
5. Da nisu osuđivani za krivično djelo koje predstavlja smetnju za imenovanje na upražnjenu poziciju u roku od pet godina od dana izdržavane, izvršene, zastarjele ili oproštene kazne,
6. Da im odlukom suda nije zabranjeno obavljanje aktivnosti na poziciji za koju se kandiduju,
7. Da nisu izabrani dužnosnici, nosioci izvršnih funkcija ili savjetnici u smislu Zakona o sukobu interesa u institucijama vlasti BiH i Zakona o sukobu interesa u institucijama vlasti FBiH,
8. Da nemaju privatni finansijski interes u reguliranom tijelu za koji se kandiduju,
9. Da nisu stariji od 65 godina na dan imenovanja.

POSEBNI USLOVI :

- Da imaju visoku, višu ili srednju stručnu spremu,
- Da imaju najmanje 3 godine radnog iskustva u struci nakon sticanja visoke, više ili srednje stručne spreme,
- Da nisu predsjednici ili članovi u nekom od reguliranih tijela na području Grada Goražda
- Da imaju komunikacijske i organizacijske sposobnosti.

POTREBNI DOKUMENTI

- a) Potpisana prijava na Javni oglas sa kraćom biografijom, adresom i kontakt telefonom,
- b) Izvod iz matične knjige rođenih,
- c) Izvod iz matične knjige državljana, ne stariji od 6 mjeseci ili ovjerenu kopiju CIPS-ove lične karte,
- d) Izjava ovjerena od nadležnog organa gradske uprave ili notara da nisu otpušteni iz državne službe kao rezultat disciplinske mjere (bilo na nivou države ili entiteta) u periodu od tri godine prije dana objavljivanja upražnjene pozicije,
- e) Izjava ovjerena od nadležnog organa gradske uprave ili notara, da se na njih ne odnosi član IX.1.Ustava Bosne i Hercegovine, (da nisu pod optužnicom Međunarodnog suda za ratne zločine u bivšoj Jugoslaviji),
- f) Uvjerenje nadležnog Kantonalnog/ Općinskog suda da nisu osuđivani za krivično djelo koje predstavlja smetnju za imenovanje na upražnjenu poziciju u roku od 5 godina od dana izdržavane, izvršne, zastarjele ili oproštene kazne; (ne starije od 3 mjeseca),
- g) Uvjerenje nadležnog Kantonalnog/ Općinskog suda da im odlukom suda nije zabranjeno obavljanje aktivnosti na poziciju za koju se kandiduju, (ne starije od 3 mjeseca),
- h) Izjava ovjerena od nadležnog organa gradske uprave ili notara da nisu izabrani zvaničnici, nosioci izvršnih funkcija ili savjetnici u smislu Zakona o sukobu interesa u institucijama vlasti BIH i Zakona o sukobu interesa u institucijama vlasti FBiH
- i) Izjava ovjerena od nadležnog organa gradske uprave ili notara, da nemaju privatni finansijski interes u reguliranom tijelu za koji se kandiduju, (ne starija od 3 mjeseca)
- j) Ovjerena kopija diplome,
- k) Uvjerenje o radnom iskustvu u struci nakon sticanja visoke, više ili srednje stručne spreme;
- l) Izjava ovjerena kod nadležnog organa uprave ili notara da nisu predsjednici ili članovi u nekom od reguliranih tijela na području Grada Goražda; (ne starija od 3 mjeseca)

Kandidati zaposleni u organima državne službe koji uđu u uži izbor i budu pozvani na intervju, prilikom obavljanja intervjeta dužni su priložiti Rješenje, kojim je kandidatu data pismena saglasnost od strane rukovodioca organa državne službe, za obavljanje dodatne djelatnosti.

Kandidati koji uđu u uži izbor, biće pozvani na intervju. Komisija za izbor će prije intervjeta zahtjevati da kandidati koji su ušli u uži izbor daju podatke o odgovarajućem broju ranijih neposrednih rukovodilaca, od kojih se mogu dobiti preporuke i informacije o kandidatima.

Mandat predsjednika UO JU Doma zdravlja „Dr.Isak Samokovlija“ Goražde, traje do isteka mandata članova Upravnog odbora, koji su imenovani prilikom imenovanja cijelog Upravnog odbora odnosno do 30.10.2021.godine.

Mandat članova skupštine javnih preduzeća traje 4 godine od dana imenovanja.

Predsjednika Upravnog odbora i članove skupštine imenuje i razrješava Gradska vijeće Grada Goražda.

Visinu naknade za rad predsjednika Upravnog odbora utvrđuje Gradska vijeće na prijedlog Gradonačelnika, a naknada se isplaćuje iz sredstava Doma zdravlja.

Visinu naknade za članove skupštine Javnih preduzeća utvrđuje skupština preduzeća, a naknada se isplaćuje iz sredstava javnih preduzeća.

Javni oglas ostaje otvoren 15 dana od dana objavljivanja u dnevnom listu “Dnevni avaz”.

Prijavu sa traženom dokumentacijom dostaviti Komisiji za izbor predsjednika i članova reguliranih tijela Grada Goražda, lično na protokol Grada Goražda ili preporučeno putem pošte (Ul.Maršala Tita 2 Goražde) u zatvorenoj koverti sa naznakom:

**PRIJAVA NA OGLAS ZA IZBOR I IMENOVANJE ČLANOVA SKUPŠTINE ... (NAVESTI
NAZIV JP) ODNOSNO „PRIJAVA NA OGLAS ZA IZBOR I IMENOVANJE PREDSJEDNIKA
UO JU DOMA ZDRAVLJA „DR.ISAK SAMOKOVLJA“ GORAŽDE“
– NE OTVARATI.**

Neblagovremene ili nepotpune prijave neće biti uzete u razmatranje.

DOSTAVITI:

1. Službene novine Grada Goražda,
2. „Dnevni avaz“,
3. RTV BPK Goražde,
4. JKP „6. Mart“ d.o.o. Goražde (Oglasna tabla),
5. JP „Veterinarska stanica“ d.o.o. Goražde (Oglasna tabla),
6. JU Dom zdravlja „Dr.Isak Samokovlija“ Goražde,
7. Oglasna tabla Grada Goražda,
8. Web stranica Grada Goražda,
9. U dosije,
10. a/a

Komisija za izbor predsjednika i članova reguliranih tijela Grada Goražda